



Broj:09/1-14-009747-18

Tuzla: 05.04.2018. godine

Na osnovu člana 23. Zakona o ministarstvima i drugim organima uprave Tuzlanskog kantona ("Službene novine Tuzlanskog kantona", br:17/00,3/01,12/03 ,10/05, 3/08, 8/11, 15/13 i 15/17) i člana 77. stav 7. Zakona o izvršenju budžeta Tuzlanskog kantona za 2018. godinu ("Službene novine Tuzlanskog kantona" broj: 19/17), Ministarstvo za rad, socijalnu politiku i povratak Tuzlanskog kantona d o n o s i

PROGRAM

raspodjele sredstava sa potrošačke jedinice 23020019-subvencija troškova prevencije ovisnosti o drogama za 2018. godinu

I

Ovim Programom utvrđuje se raspodjela sredstava iz Budžeta Tuzlanskog kantona za 2018. godinu sa potrošačke jedinice 23020019-subvencija troškova prevencije ovisnosti o drogama u iznosu od 20.000,00 KM.

II

Sredstvima iz tačke I Programa podržat će se realizacija projekata organizacija i udruženja koji doprinose prevenciji bolesti ovisnosti o drogama i realizaciji ciljeva Programa prevencije, intervencija i resocijalizacije u oblasti maloljetničke delinkvencije za područje Tuzlanskog kantona za period 2016.-2019. godine.

III

Ministar za rad, socijalnu politiku i povratak u Vladi Tuzlanskog kantona će sredstva iz tačke I ovog Programa rasporediti posebnim odlukama u skladu sa raspoloživim sredstvima Budžeta i operativnim planovima izvršenja Budžeta za 2018. godinu.

IV

Komisija imenovana od strane ministra za rad, socijalnu politiku i povratak u Vladi Tuzlanskog kantona će utvrditi prijedlog raspodjele sredstava iz tačke I ovog Programa, na osnovu slijedećih kriterija i načina bodovanja:

R.b.	KRITERIJI	Broj bodova
1.	Kvalitet projekta i budžeta i jasnoća indikatora za praćenje uticaja predviđenih ciljeva i aktivnosti na ciljnu grupu i broj korisnika	0 – 15
2.	Doprinos projektnih ciljeva i očekivanih rezultata prevenciji bolesti ovisnosti i Programskim ciljevima prevencije, intervencija i resocijalizacije u oblasti maloljetničke delinkvencije	0 – 15
3.	Postignuti rezultati u predloženim projektnim aktivnostima u prethodnom periodu, ažurnost i kvalitet izvještavanja za već podržane projekte iz budžeta Ministarstva	0 – 15
4.	Zastupljenost multisektorske i multidisciplinarnе saradnje u realizaciji projekta	0 – 15
5.	Uspostavljenost partnerstva i postojanje podrške drugih donatora i institucija iz zemlje i inostranstva	0 – 15
	Ukupno	75

Organizacije i udruženja koja ne ostvare minimum od 20 bodova neće biti finansirani/sufinansirani sredstvima iz ovog Programa.

V

Prilikom procjene neće se razmatrati projekti koji:

- su usmjereni ka vjerskim ciljevima i aktivnostima,
- se isključivo baziraju na investicijskim ulaganjima, izgradnji i adaptaciji objekata i kupovini opreme,
- imaju administrativne troškove veće od 20% traženih sredstava iz Budžeta TK za 2018. godinu,
- su podneseni od organizacija i udruženja koji nisu dostavili izvještaj o namjenskom utrošku sredstava odobrenih u 2017 godini u roku određenom u odlukama o odobravanju sredstava (ukoliko nije istekao rok za dostavu izvještaja razmatraće se izvještaj iz 2016. godine),
- su podneseni od organizacija i udruženja koji nisu dostavili izvještaj o namjenskom utrošku sredstava odobrenih iz budžeta Ministarstva za rad, socijalnu politiku i povratak TK u prethodnim godinama,
- su podneseni od organizacija i udruženja koje u okviru registrovane djelatnosti ne rade poslove koji doprinose prevenciji ovisnosti o drogama i /ili prevenciji, intervenciji i resocijalizaciji maloljetničke delinkvencije,
- projekti koji nisu dostavljeni u skladu sa propisanim obrascima od strane Ministarstva.
- i čiji projekti nisu namijenjeni građanima Tuzlanskog kantona.

Ministarstvo za rad, socijalnu politiku i povratak TK neće razmatrati zahtjeve za sufinansiranje programa rada podnosioca zahtjeva, već isključivo konkretne projekte.

VI

Objava ovog Programa u “Službenim novinama Tuzlanskog kantona” ostavlja mogućnost potencijalnim korisnicima za podnošenje zahtjeva sa projektom za raspodjelu sredstava iz tačke I ovog Programa u roku od 21 dan od dana objavljivanja, što se smatra javnim pozivom.

VII

Podnosilac projektnog prijedloga za dodjelu sredstava obavezan je dostaviti i slijedeću dokumentaciju:

- Prijavni obrazac - (obrazac 1),
- Obrazac projektnog prijedloga – (obrazac 2),
- Budžet projekta – (obrazac 3),
- Rješenje o upisu u registar udruženja kod Ministarstva pravosuđa i uprave Tuzlanskog kantona, ili drugog nadležnog organa u Federaciji BiH ili BiH (kopija),
- Statut udruženja/organizacije (kopija),
- Izvještaj o radu za 2017. godinu (kopija),
- Akt o usvajanju Izvještaja o radu za 2017. godinu od strane nadležnog organa (kopija),
- Uvjerenje o poreznoj registraciji (kopija),
- Spesimen potpisa (kopija),
- Bilans stanja za 2017.godinu ovjeren od nadležnog organa (kopija),
- Bilans uspjeha za 2017. godinu ovjeren od nadležnog organa (kopija),
- Izjava odgovorne osobe pravnog lica o transparentnom utrošku sredstava,
- Sporazum o partnerstvu (ako se radi o partnerskom projektu) ovjeren od svih partnera (kopija),
- Dokaz o sufinansiranju iz drugih izvora ili sufinansiranju od strane implementatora projekta (ukoliko je obezbjeđeno sufinansiranje).

Podnosioci projektnog prijedloga su obavezni pridržavati se Smjernica za pripremanje budžeta koje su sastavni dio ovog Programa.

U budžetu projekta mora biti jasno naznačeno za koje se aktivnosti traže sredstva od Ministarstva, a za koje su aktivnosti osigurana sredstva iz drugih izvora, ukoliko postoje. Svi obrasci moraju biti popunjeni, potpisani i ovjereni od strane odgovorne osobe podnosioca prijave.

Obrasci za prijavu čine sastavni dio ovog Programa i mogu se preuzeti sa web stranice Vlade TK-a (www.vladatk.kim.ba).

VIII

Popunjeni prijavni obrazac sa svim prilogima podnosi se u zapečaćenoj kovrti a predaje putem pošte ili na pisarnicu zajedničkih službi kantonalnih organa na adresu:

Tuzlanski kanton

Ministarstvo za rad, socijalnu politiku i povratak

Rudarska br. 57

75000 Tuzla sa naznakom

“Prijava na javni poziv za raspodjelu sredstava - subvencija troškova prevencije ovisnosti o drogama za 2018. godinu – ne otvarati”

XI

Organizacije i udruženja su obavezni da izvještaj o utrošku sredstava sa potrebnim dokazima (kopije računa) uz narativni izvještaj dostave Ministarstvu za rad, socijalnu politiku i povratak TK-a u roku od tri mjeseca od dana izvršene uplate sredstava od strane Ministarstva finansija TK.

Izvještaj iz stava 1. ove tačke dostavlja se u skladu sa propisanim obrascem (obrazac 4) koji se može preuzeti sa web stranice Vlade TK-a (www.vladatk.kim.ba). Obrazac narativnog i finansijskog izvještaja čini sastavni dio Programa.

Ukoliko sredstva iz tačke I ovog Programa iz neopravdanih razloga ne budu utrošena u roku iz stava 1. ove tačke ili se ista utroše nenamjenski Udruženje je dužno sredstva vratiti u budžet Tuzlanskog kantona, u protivnom protiv istog će biti pokrenut postupak pred nadležnim sudom.

X

Za realizaciju ovog Programa i pojedinačnih Odluka donesenih na osnovu ovog Programa, zadužuje se Ministarstvo za rad, socijalnu politiku i povratak Tuzlanskog kantona i Ministarstvo finansija Tuzlanskog kantona.

XI

Program stupa na snagu danom davanja saglasnosti od strane Vlade Tuzlanskog kantona, primjenjuje se od 01.01.2018. godine i isti će se objaviti u “Službenim novinama“ Tuzlanskog kantona.

Dostavljeno:
1 x Vlada TK
1 x Evidencija
1 x Arhiva

MINISTRICA

Sandra Memić

OBRAZLOŽENJE

Članom 69. stav 1. Zakona o izvršenju budžeta Tuzlanskog kantona za 2018. godinu ("Službene novine Tuzlanskog kantona" broj: 19/17) propisano je da "Korisnici u skladu sa zakonima, svojim aktima i operativnim planovima raspoređuju sredstva".

Ovo Ministarstvo je u skladu sa članom 77. stav 7. Zakona o izvršenju budžeta Tuzlanskog kantona za 2018. godinu dužno donijeti Program raspodjele sredstava sa potrošačke jedinice 23020019 – subvencija troškova prevencije ovisnosti o drogama uz utvrđene kriterije za raspored sredstava, na koji saglasnost daje Vlada Tuzlanskog Kantona.

Za ove namjene u Budžetu za 2018. godinu predviđena su sredstva u visini od 20.000,00 KM i ista prema predloženom programu trebaju biti raspoređena za programe prevencije ovisnosti o drogama i prevencije, intervencija i resocijalizacije u oblasti maloljetničke delinkvencije

Izvještaji o utrošku sredstava sa svom pratećom dokumentacijom bit će dostavljeni Ministarstvu za rad, socijalnu politiku i povratak Tuzlanskog kantona.

Predlažemo da Vlada Tuzlanskog kantona da saglasnost na predloženi Program raspodjele sredstava za subvenciju troškova prevencije ovisnosti o drogama.

OBRAĐIVAČ
Ministarstvo za rad, socijalnu politiku
i povratak Tuzlanskog kantona